

HEI TĪMATA I A

KAHIKITIA

KŌKIRI KIA ANGITU

2013–2017



TE PĀREKEREKE

TE HUA

➔ E whai ana ngā tamariki Māori katoa i te huarangi o te pārekereke o te ako.

MŌ NGĀ KAIKO ME NGĀ KAIARATAKI

O TE AKO PĀREKEREKE (NGĀ KAIKAWA KAUPAPA MĀTAURANGA)

Ngā take hei whakaaro, hei kōrero mō ngā kaiako me ngā kaiarataki o ngā kura kōhungahunga



He aha ngā whiringa rautaki o to mātau kaupapa kōhungahunga hei āwhina, hei whakapakari i te ako, i te tipu o ngā tamariki Māori?



He aha a mātau mahi ki ngā mātua me ngā whānau Māori e marama ai mātau, hei tautoko hoki i ō rātou wawata mō ā rātou tamariki? Ka pēhea te whakapakari ake i aua mahi?



He aha a mātau mahi hei whakanui i ngā painga o te kuhu, o ngā mātua me ngā whānau?



He aha a mātau whakaritenga, tuku anō i ngā whiringa whakaakoranga, akoranga hoki hei whakaatu i te whakapapa, te reo, ngā tikanga o ngā tamariki Māori me ō rātou whānau, hapū, iwi, hapori anō?



He aha a mātau mahi hei tūhono i te ako i te kāinga ki te ako i te kura kōhungahunga?

Ngā mahi hei whai ā kō tata ake nei



Whakaritea mai a *Ka Hikitia – Kōkiri Kia Angitu 2013–2017* hei āwhina i ngā whiringa mahere mō te whakaako i ngā tamariki Māori, mō te ako anō hoki.



Whakaritea o mātau mahi hei whai māu mō te whakatō i te whakapapa, i te reo, i ngā tikanga hoki o ngā tamariki Māori ki roto i ngā whakaakoranga me ngā akoranga hoki mā te torotoro i ngā whānau, i ngā hapū, i ngā iwi.



Whakamahi hoki i ngā rauemi, pukapuka whakaahua hoki o te reo Māori.



Kōrero ki ngā mātua me ngā whānau o ngā tamariki Māori – kōrerotia ngā kaingākautanga, te ahu whakamua hoki o ā rātou tamariki me te whiriwhiri he aha hei āwhinatanga mō ā rātou tamariki i te kāinga.



Whakaarohia ētahi āhuetanga hei whakaratarata i ngā tamariki Māori me ō rātou mātua, whānau hoki ki tō kaupapa/kura kōhungahunga.



Kimihia he kōrero mō ngā iwi i tō rohe.



Me toro atu ki ngā iwi ki te kōhi kōrero mō te whakapapa, mō te reo, mō ngā tikanga o ngā ākonga Māori i tō kura kōhungahunga.



Whakapā atu ki te Tari ā-Rohe o te Tāhuhu o te Mātauranga kia mōhio ai me pēhea tā rātou āwhina i a koe/koutou ki te tautoko i a *Ka Hikitia – Kōkiri Kia Angitu 2013–2017*.

Ngā mahi hei whai



Me rite tonu te whakamōhiohio i ngā mātua me ngā whānau.



Me noho ko *Ka Hikitia – Kōkiri Kia Angitu 2013–2017* me Tātaiako hei take kōrero i ngā whakamātautauranga kaimahi.



Whakanuia te teiteitanga o ngā tūmanako mō ngā tamariki e whai angitu ana i te mātauranga hei Māori tonu.



MŌ NGĀ MĀTUA ME NGĀ WHĀNAU

O NGĀ TAMARIKI E AKO PĀREKEREKE ANA

E mōhio ana koe:

- ➔ me pārekereke ai te ako, kia papatipu ai te whai.
- ➔ he nui ngā momo kura kōhungahunga. Ko ngā kaupapa matua e rua, ko ērā e aratakina ana e ngā kaiako, e ngā mātua rānei.
- ➔ me kōrero pea koe ki ō hoa, ki tō whānau, ki te kaupapa tiaki tamariki (Plunket) kia e mōhio ai koe he aha te momo huarahi ako pārekereke hei whai māu mō tō tamaiti, me ngā whiringa hoki hei ako i te reo Māori?
- ➔ me whakaritea he wā hei torotoro māu ki ngā kaupapa ako pārekereke i tō rohe, te kura kōhungahunga, te wāhi tiaki tamariki, te Kōhanga Reo, te Puna Kōhungahunga rānei, te rōpū tākaro, wāhi tākaro rānei. Mā rātou e whakamārama atu ki a koe ā rātou mahi hei whiriwhiri māu mehemea koinā te kaupapa mō kōrua ko tō tamaiti.
- ➔ e wātea ai te haere a ngā tamariki katoa, toru, whā, rima tau te pakeke ki ngā kura kōhungahunga mō te ono haora i ia rā, 20 haora i ia wiki, kāore he utu. He kōrero anō mō tēnei take kei ngā kaupapa kōhungahunga i tō rohe.
- ➔ ki te kore koe e whai i te 20 haora kore utu mō te ako pārekereke i ia wiki, tērā ētahi atu tahua moni hei whāwhā atu māu i Te Tahua Āwhina Tamariki (CCS). Tirohia www.workingforfamilies.govt.nz, me waea atu rānei ki Te Hiranga Tangata 0800 559 009.
- ➔ Tirohia te pā ipurangi o te Tāhuhu o te Mātauranga mō ētahi atu kōrero mō te ako pārekereke: www.minedu.govt.nz/Parents/EarlyYears.aspx.
- ➔ he hua tā te tuku i tō tamaiti ki te Kōhanga Reo, Puna Reo rānei, ki te hiahia kia ū tō tamaiti ki tētahi kura reo Māori.

Hei mahi māu ā kō tata ake nei, me:

- ➔ kōrero ki ngā kaiako o tō tamaiti mō ngā mahi a tō tamaiti i kitea e koe i te kāinga, ngā mea pai, kāore rānei i te pai ki a ia. He āwhinatanga tēnei i ōna kaiako e pai ake ai ō rātou mōhio ki a ia.
- ➔ pātai atu ki te kaiako o tō tamaiti he aha hei mahi māu hei āwhina i te ako, i te tipu o tō tamaiti i te kāinga.
- ➔ kimihia he mahi, he rauemi hoki hei whakapakari ake i te whakapapa, i te reo, i ngā tikanga o tō tamaiti. Me whai ngā mahi pēnei i te waiata i ngā waiata Māori, te kōrero mō tō whānau, tō iwi, tō marae, me pānui tahi hoki kōrua ko tō tamaiti.
- ➔ kaha koe ki te whakamahi i te reo Māori i tō kainga mēnā e haere ana tō tamaiti ki tētahi kura kōhungahunga reo Māori, pērā i te Kōhanga Reo, Puna Reo rānei. Mā tēnā e tipu ake ai tōna reo.
- ➔ kōrero ki ō hoa, tō whānau, ngā kaiako hoki mō ngā momo kura i tō rohe. Tērā e mārama ai koe ki te kura pai ake mō tō tamaiti.


Whai taima ki te:

- ➔ whakanuia, whakamihia te tipu o tō tamaiti.
- ➔ whakahau atu i tō tamaiti ki te whai i ōna kaingākautanga, ki te pātai hoki.
- ➔ kōrero ki te kaiako inā tukua atu ai, tikina atu ai hoki i tō tamaiti ki te kura ā, me mōhio koe e ahu pēhea ana ia.
- ➔ whakaritea he wā hei torotoro māu ki ngā kura o tō rohe, kia kitea e kōrua ko tō tamaiti, kia utua hoki ngā pātai hei āwhina i a koe ki te whakatau he aha te kura mō kōrua ko tō tamaiti.
- ➔ tirohia te pā ipurangi nei: www.minedu.govt.nz/Parents/EarlyYears/MovingOnToSchool.aspx. Kei reira he kōrero anō mō te haere a tō tamaiti ki te kura hei āwhina i a koe.



TE RAUTAKI MĀTAURANGA MĀORI

www.minedu.govt.nz/KaHikitia



TE TĀHUHU O TE MĀTAURANGA

Ministry of Education

Te Kāwanatanga o Aotearoa